



## Møteprotokoll for Formannskapet

**Møtedato:** 22.10 og 23.10. 2020  
**Møtestad:** Brannstasjonen på Mo  
**Møtetid:** 09:00 - 15:00

Formannskapsmøtet går over to dagar, med hovudvekt på budsjett og økonomiplan.

Frammøtte medlemmer	Parti	Rolle	Merknad
Kjetil Eikefet	SA	Ordfører	
Ann-Jorunn Farestveit	SO	Varaordfører	
Liv Anne Aanesen	SA	Medlem	
Håvard Engeseth	SO	Medlem	

Forfall meldt frå medlem:	Parti	Rolle	Merknad
Kristin Nåmdal	SA	Medlem	Meldt forfall

Frammøtte varamedlemmer:	Parti	Rolle	Merknad
Anne Britt Almelid	SA	Varamedlem	Vara for Kristin Nåmdal

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Administrasjon	
Ove Sæbø	Assisterande rådmann	Administrasjon	
Tone Selmer Skuggevik	Teknisk sjef	Administrasjon	
Magne Verpelstad	Økonomisjef	Administrasjon	

## Sakliste

Saknr	Tittel
032/2020	Godkjenning av innkalling og sakliste
033/2020	Godkjenning av møteprotokoll
034/2020	Orienteringssaker
035/2020	Planprogram for kommunedelplan for vassforsyning, avlaup og vassmiljø - Modalen kommune
036/2020	Kommunal planstrategi 2020 - 2023
037/2020	Økonomirapportering pr 2. tertial 2020

**Notat frå møtet:**

## 032/2020: Godkjenning av innkalling og sakliste

### Behandling:

Samrøystes vedteke

### Vedtak:

Innkalling og sakliste vert godkjent

---

## 033/2020: Godkjenning av møteprotokoll

### Behandling:

Samrøystes vedteke

### Vedtak:

Møteprotokoll vert godkjend slik den ligg føre

---

## 034/2020: Orienteringssaker

### Behandling:

Leiarane informerte om si eining, og om endra føresetnadar som legg til grunn for deira budsjettframlegg for neste år.

Økonomisjef orienterte om om dei økonomiske føresetnadane for neste års budsjett, og for den kommande økonomiplanen. Det mest vesentlege her er dei nye prognosane frå BKK som viser ein nedgang i eigedomsskatt i åra framover samanlikna med forrige års prognose. Dette vert innarbeida i administrasjonen sitt framlegg til budsjett og økonomiplan, som vert sak på neste formannskapsmøte. På noverande tidspunkt må administrasjonen saldere om lag 1 - 1,5 mill kr i budsjettframlegget i høve dei innkomne budsettframlegga frå einingane. Formannskapet bed om at tenestetilbodet til born, ungdom og eldre vert prioritert å behalde når ein skal sjå etter moglege område å saldere budsjettet.

Ordførar orienterte om desse sakene:

Rådmann og ordførar har hatt møte med Invest in Bergen i samband med kartlegging av moglege datasenter i Modalen. Modalen kraftlag var med på møtet, og er ein sannsynleg samarbeidspartnar dersom dette vert aktuelt å arbeide vidare med. Aktuelle lokasjonar i Modalen er Hellandsfossen og Steinsland. Invest in Bergen kjem på kommunestyremøtet 5. nov for å informere om saka. Modalen kraftlag vert og med på dette møtet.

- Ordførar orienterte om status på saka om pasientreiser. Det er framleis ingen avtale i vårt distrikt, og Helse Bergen skal lyse ut nytt anbod. Inntil vidare må innbyggjarar sjølve kreve refusjon for taxiutlegg.

- Ordførar låg fram forslag om at eigarstyring vert eit tema for neste bolk med folkevaldprgrammet, som kjem våren 2021.

- Ordførar informerte om at formannskapsmøtet 24. nov kolliderer med samlinga "Staten møter kommunane" som fylkesmannen i Vestland arrangerer. Formannskapet slutta seg til å flytte fomannskapsmøtet til 26. nov.

Varaordførar Ann-Jorunn Farestveit stilte spørsmål om status på avtalen om veternerinærvekt på dagtid. Rådmannen svara at han skulle undersøke saka og kome tilbake med meir informasjon

#### Vedtak:

Sakene vert tekne til orientering

---

035/2020: Planprogram for kommunedelplan for vassforsyning, avlaup og vassmiljø -  
Modalen kommune

#### Behandling:

Ingrid Vatne frå Norconsult informerte om saka og svara på spørsmål.  
Samrøystes vedteke

#### Vedtak:

1. Modalen formannskap vedtek at framlegg til planprogram for kommunedelplan for vassforsyning, avlaup og vassmiljø vert lagt ut på høyring og offentleg ettersyn jamfør plan- og bygningslova § 5-2.
  2. Frist for merknadar og innspel vert sett til 6 veker frå kunngjeringsdato.
  3. Samstundes med utlegging av forslag til planprogram, vert det varsla om oppstart av planarbeidet, jamfør plan- og bygningslova § 4-1.
-

036/2020: Kommunal planstrategi 2020 - 2023

Behandling:

Ordfører fremma forslag om tilleggspunkt til rådmannens framlegg til vedtak: Formannskapet bed om at revisjon av kommunen sin miljøplan - klima og energi frå 2010 vert lagt inn i planstrategien i 2022.

Framlegg til vedtak med tilleggspunkt vart samrøystes vedteke.

Vedtak:

**Modalen kommune legg kommunal planstrategi 2020 – 2023 ut på høyring i 30 dagar før endeleg handsaming i kommunestyret 10.12.20. Framlegget vert i tillegg sendt til omliggande kommunar og regionale og statlege mynde for innspel.**

**Formannskapet bed om at revisjon av kommunen sin miljøplan - klima og energi frå 2010 vert lagt inn inn i planstrategien i 2022.**

---

037/2020: Økonomirapportering pr 2. tertial 2020

Behandling:

Økonomisjef Magne Verpelstad orienterte om saka og svara på spørsmål  
Samrøystes vedteke

Vedtak:

**Rapport om økonomistoda vert teken til orientering.**

**Løyvingane i driftsbudsjettet for 2020 vert justert i tråd med tabellen i saksframlegget:  
Budsjettjustering drift 2020**

---